

ANTTON DUESO

# PUNKI

1989-2008



desclée

1989ko martxoan argitaratu zen Punkiren lehen istoriotxoa Ipurbeltz haurrentzako komiki aldizkari mitikoan. 2008an izan zuen itxiera data aldizkariak. Nobelaturik argitaratu zituen, pertsonaia protagonista harturik, bost liburu 1997 eta 1999 urteen artean Roger izeneko argitaletxeak -dagoeneko desagerturik dena-. Arrakastaz oharturik, eta Punkik euskal munduko haurren artean izandako transzendentzia ikusirik, Bilboko **Desclee** argitaletxeak bost liburu haiek berreditatzea erabaki zuen 2007 eta 2009 urteen artean. Berriz ere jaso zuen Punkik adin guztietako irakurleen baietzkoa. Hori dela eta, aurrera pausoa eman eta istoriotxoen aukeraketa eta bost nobelen argitalpenari bide eman diogu, antologia bat denaren baitan. Ez dira bildu Punkiren abentura zoro guztiak, baina bai horien eredu diren hainbat eta hainbat, pertsonaiak iraun zuen ia hogei urte haietan jasandako garapenaren erakusgarri.

Antton Dueso

# Aurkibidea

<b>Muki berdearen sekretua</b>	<b>9</b>
Herriko festak ziredeen...!	33
Uf, uf, hondartzara noa geroo...!	37
Elurra mara, maraaa...!	41
Bihotzez maite zaitukut...!	45
San Markos euri bizi, urte osoa gerez!	49
Kamarerooo!	53
<b>Galtzontzilo galduaren bila</b>	<b>51</b>
Urte askoan gandra kaskoan	81
Me gusta er furbooo...!	85
San Balentin, geziak al pil-pil	89
Ei! Goizean behin!	93
Mosquera euskaltegia	97
Artzai buru zuri baat...! Edo bi?	99
Maitasun arazoren bat	101
Ehun urte ez da gutxi	103
<b>Hori bai ipurdial!</b>	<b>105</b>
Hau pixagura!	109
Abanderado	131
Zorrak zor... Eta txakurrak hor konpon!	133
<b>Puzker gaua</b>	<b>153</b>
Kontrola	177
San Martzial	179
Egunero pilula bat	181
Akabo Fermin Muguruza!	183
Dirua zuriu eta kittle!	185
Atapuera zaharren egoitza	187
Munduaren akabera	189
Mende berri on?	191
Sabino Ikurrinagoitia	193
Beti korrika!	195
Presidentearen oporrak	197
Bazen behin ...	199
<b>Paskalin kalero-zikin</b>	<b>201</b>
Oles ezkonberriak!	225
En fin... Jainkoak eraman zuen Serafin	227
Txapapotea	229
Fardeltxo	231
Ezkon urteurrena	233
Urte askoan komunontzia kaskoan	235
Beti arte, Ruben	237
Mikkaela mela-mela	239
Hau kakagura!	241
Limosnatxo bat ...	243
Ez ez eta ez!	245
Adiorik ez?	247

## MUKI BERDEAREN SEKRETUA



# PUNKI

## 1. Eba Mirentxu Joan zen eguzki bila hondartzara

-Minutu bat! Beste minutu bat eta bagoaz, bera etorri ala ez! -esan zuen aitak.

-Goazen behingogatik! Oporrak problemarik gabe pasatzeko aken aukera dugu! -esan zuen arrebak.

-Jaitsi hadi oraintxe bertan edo gandarretik tiraka jaitsiaraziko hant! -esan zuen

amak ezarria urratu beharrean.

Hogeita hamabost minutu zeraman familiak zain Hogeita hamabost minutu Ford gorri traste tzarrez bete a oporretara abiatu zain zegoena. Tarte horretan, buiak zirela eta ez zirela, inguruko leihoak kuxkuxeroz bete ziren. Batzuek aitaren Txiki Park txapelari egiten zioten barre. Beste batzuek, amaren betaurreko ilunei, Danoneren «eskaintza». Edo arrebak Dena Ehunean denda horietako batean erositako tximeletak harrapatzeko sareari.



Bitartean,  
bere gelan,  
Punkik zerrenda aztertu zuen  
beste behin. Ez zuen ezer ahaztu nahi:

urpeko betaurrekoak, surt ohola, ahate tlotagailua, koltxor-  
neta, hondarretako txankletak, kamiseta tropikalak, larrua  
belzteko krema, tanga bat aurretik bereziki babestua...

Halako batean jaitsi zen Punki. Hondartzarako traste pila  
arrastaka zekarren. Aita txima eskasetatik tiraka hasi zen,  
marmarka. Amak eguzkitarako betaurrekoak kendu zituen,  
begien bistan zuena sinetsi ezinik.



Arrebak, berriz, barrez ekin zion, intzirika, Punki izorratu nahi zuenean egiten zuen bezala.

-Nora hoo traste tzar pila handi horrekin!

Punkiri min egin zioten aitaren hitz haiek. Hala ere, ez zuen patxadarik galdu eta, irribarrea pixka bat behartu eta udako kanta hari lotu zitzaion:

 Eba Mirentxu Joan zen  
eguzki bila hondartzaraaah! 

Hura gehiegi izan zen Punkiren  
aitarentzat.

-Horren lerdoak ez bahintz, honez-  
kero jakingo huke ez goazela hondartzara,  
aitite Bixenteren baserrira baizik!

-Aurten urri antzean gabilta diruz eta baserrian egurastuko gara: aire garbia, bizi sano eta ekologikoa, bertako barazkiak... erantsi zuen amak.

-Manduliak, espatak, behi gorotzak, ardi kaka, oilo zirina...

-gaineratu zuen arrebak.

Mundua gainera erori zitzaion Punkiri. Aire-planotik jauzi egin eta jausgailua irekitzen ez dela konturatzea bezala.

Txiki Parkeko txapela erantzitzi eta esku artean bihurritu zuen.



Hamaikatxo plan egin zuen azken hilabeteetan. Uda zuen gogoan.

Eta, orduan, asmo guztiak pikutara. Aluminosis duen etxea bezala. Gau luzeak hondartza epelean etzanik, maitasun hitzak eta txiste berdeak errebuelta nabarmenak zituen neskaren baten belarriera goxo-goxo esaka: Mediterraneoko ur garbian behin eta berriro murgil eginez, azken ligearen bikiniaren goiko partearen balantzari begiratu: arratsaldeak eta arratsaldeak hondartzan etzanda, eguzkitarako krema neskaren baten bizkar tentagarrian zabalduz: sorbaldan beheara aurrena, gerrian hurrena, gero... Pikutara amets denak! Gurasoek ez zuten bihotzik izan! Bost inporta haiei mutiko maitagarriaren borondate ona! Bihotz-gogorak halakoak!

-Joan zintzekete ni gabe ere. Etxea zaintzen geratuko naiz ni. Badakizue udan ez dagoela fidatzerik: lapur asko dabil mundu honetan...

Zirtzart izan zen...! Begiak itxireki baino lehen aitak etxera jaso zion traste tzar pila handi hura. Begiratu gaiztoa egin zion, alkandora lepotik heldu zion Punkiri eta Ford Fiesta gorrian sarrarazi zuen, ez oso gozoro ere. Burua gomazko alfonbraren kontra zuen, hanka bat leihotik aterata, eskuin eskua arrebaren zapatapean... Eta, hala ere, autoak nola arrankatzen zuen eta aitaren boza entzun zuen aldarrika:

-Let's goazen! Baserria zain dugu!





ORDUAN GURE ESQUIAK LOTU ZIREN



HAREN BEGIEK SUGARRAK ZIRUDITEN....



MUAA!

HAREN EZPAIN ZETAZKOKAK NIREKIN BATU ZIREN..



ETA HANTXE GERATU ZEN BILUZIK NIRE AURREAN...



PUNKI, ESNATU ORDUA DA ETA!




BAINA, BAINA ZER GERTATZEN ZAIZU? EZ DUZU SUGARRIK IZANGO, E?



AKABATUKO DUT! GOXOENEAN NENGOENEAN ESNARAZTEA! BRRR...!!!

LASAI ZAI TEZ, ZURE AITA NAIZELAAA...!





# GOIZEAN BEHIN

Beso  
MARCA: ANTZANE

EDOZEIN ANTZ ERREALITATEAREKIN KOINZIDENTZIA HUTSA DA.

